




Libanga 2



# Incwadzi leNkhulu yetindzaba tabotwana



basic education

Department:  
Basic Education  
REPUBLIC OF SOUTH AFRICA

SISWATI

3

Incwadzi




## Indlela yekusebentisa leNcwadzi leNkhulu:

### Tindzaba kulencwadzi:



### Yimphilo yenja-ke leyo

1



### Liyasha ligushede lemathuluzi esikolo

16



### Luswane

20

Njengathishela, utawudzinga kuhlela ulungisele kwenta umsebenti wekufundza ngekwabelana ekilasini lakho. Imvamisa nakwentiwa kufundza ngekwabelana, thishela usebenta nelikilasi lonkhe, kodvwa-ke, uma likilasi lakho lilikhulu kakhulu, kungaba ncono kutsi usebente ngelicembu noma incenye yelikilasi. Kufute kunakisiswe kucinisekiswe kutsi bantfwana bayakhona kuhlala ngendlela yekutsi babone iNcwadzi leNkhulu kute baatowukhona kufundza umbhlo.

Esifundvweni wekufundza ngekwabelana eNcwadzini leNkhulu umntfwana ufundza kutsi incwadzi ibanjwa njani, kubamba incwadzi ime ngemfanelo, kuphenya emakhasi ngemfanelo. Sifundvo sitfutfukisa imicondvo nchanti ngencwadzi – ikhava, lingembili, lingemuva nesihloko. Sifundvo sibuye sikhombise kutsi inkhambiso yekufundza iba njani kani simcoka ekutfutfukiseni emakhono ebantfwana ekulalela, kukhuluma, kufundza, kucabanga, kubuketa tintfo nekubhala njengetimfuneko letibekwe kumaCAPS teku:

- Cija emakhono ekulalela nekukhuluma.
- Cija emakhono ekufundza lasacatfuta.
- Phendvula imibuto ngendzaba.
- Tibandzakanya ekucocisaneni, kunketana tikhala kukhuluma.
- Dvweba, kwefufula noma kwenta silingiso sendzaba.
- Sebentisa titfombe kucombelela kutsi indzaba ikuhuluma ngani.
- Sebentisa kufundza ngekwabelana njengesisekelo sekubhala ngekwabelana.

### Kulungela umkhakha wekufundza iNcwadzi leNkhulu

- Cinisekisa kutsi bonkhe bantfwana yakhona kubona incwadzi. Uma likilasi lakho lilikhulu, kuncono usebente ngelicembu lelincane.
- Kungasita kakhulu kutsi wente incwadzi ime mpo khona kungeke kudzingeke kutsi uyibambe usafundza. (Bona imiyalo yekimisa incwadzi kuhava yangemuva.)
- Sebentisa irula noma lutsi lwekukhomba kulandzelela noma kukhomba emagama usafundza.
- Uma ufuna kugcizelela emagama latsite ngalinye, unganameka emanotsi ekunanyatsiselwa dvute nalelo gama kuligcamisa kulamanye noma-e wente ‘lifasitelo lemlingo.’ Sebentisa liphepha lelingucalandze lelinesikhala lesincane saclanzde lesisikwe emkhatsini walo. Beka localandze etu kwembhalo kute kutsi esikhaleleni kuvele ligama linye.

### Umkhakha wekucala wekufundza ngekwabelana

Sifundvo sekucala sibhekana nekutijabulisa ne ‘kubona’ umbhalo kwekucala, nebantfwana baniketa imivo yabo ngembhalo.

- Phenya emakhasi endzaba labatayifundza. Cocani ngemidvwebo.
- Cela bafundzi bacomelele indzaba basusela esihlokweni nasetitfombeni.
- Yetfula emagama lamasha noma lalukhuni embi kwekube bafundzi bacale kufundza indzaba.
- Yakha emakhadi emagama kwefufula emagama lamasha.
- Fundza indzaba, usebentisa simo-buso ubuye ugucugucule liphimbo, sevinini nekuphakama kwelivi. Sebentisa iminyakato netimo-buso.
- Landzelela umbhalo usafundza ngekukhomba emagama ngendvuku noma irula khona bantfwana batowubona kutsi ufundzani bese balumbanisa umsindvo netimpawu ekhasini. Loku kutabasita futsi kutsi babone inkhambiso yekufundza kusuka ngesancele kuye ngesekudla ubuye usuke etulu uye phansi.
- Loku kusebentise njengelituba lekwefufula ‘inkhulomo yakancwadzi’ njengaloku: emagama, umusho, likhasi, umbhalo sihloko, njll.
- Lawula bafundzi batibandzakanye endzabeni ngekungenela kumphindza (sib. “Gijima, gijima, gijima ushiye sitfunti, angek’ ungibambe – Ngiyindvodza mcatsane!”).
- Indzaba ngayinye kufute ifundvwe kibili katsatfu kunketa bafundzi litfuba kwenta imphindza yemagama latsite, kwenta silinganiso semsebenti noma kukuye bateke tincenye letitsite tendzaba ngemagama abo.

### Umkhakha wesibili wekufundza ngekwabelana

- Kulomkhakha wesibili kusetjwentswa wona lowo mbhalo kodvwa-ke nyalo kunakisiswa kakhudlwana kutibsdzakanya ekufundzeni abe thishela asebentisa tinkhulumiswano letichubekako kucija kucondzisa emagama, kuciphiya emakhono nekwakheka kwembhalo (luhlelo, timphawu tenkhulomo njll).
- Kuphuma kuwe-ke, thishela, kuheha bafundzi kutsi banakisise incenye yalesifundvo letsintsana nalokunye kwaloku lokulandzelako: imicondvonjulo yekubhaleka, timphawu tembahalo, imisindvo, kuhleleka kwelulwimi, emasu ekubona nekucondzisa emagama etibabeni letehlkene (lesilula-nje, kuphindze ahlelembise, kufananisa tintfo letihlobene, kubuyeketa nekuvisisa imibuto).

### Umkhakha wesitsatfu wekufundza ngekwabelana

- Kulomkhakha wesitsatfu wekufundza ngekwabelana, bantfwana batifundzele umbhalo ngekwabo baphindze batibandzakanye emsebentini wetemlomo, kunyakata kanye nalokubhaliwe lokususelwa embhalweni.
- Nakukhonakala, umbhalo weKufundza ngeKwabelana kufute wemuketelane neKubhala ngeKwabelana lapho khona thishela abonisa kutsi umbhalo ubhalwa njani bese-ke bantfwana batibandzakanya emsebentini wekucanjwa kwembhalo thishela asatsatsa indzima yekuba ngumgcugcuteli nalobhala. Lesiboniso senkhambiso yekubhala iyabasita bantfwana balungisele imisebenti yabo yekubhala.

1

# Yimphilo yenja-ke leyo



Lamuhla bo-Ana naLebo bagibele  
ebhasini yesikolo.

Nebakitsi! Balume, yena akazange  
akhone kugibela ibhasi.

“Hhayi Balume, awukavumeleki kugibela!”  
kusho Lebo. “Tinja atikavumeleki!”

"Lamuhla bo-Ana naLebo baye  
emtaponcwadzi. Nebakitsi! Balume,  
yena akazange akhone kungena nabo  
emtaponcwadzi.

"Hhayi Balume, awukwati kungena!  
kusho Ana. "Tinja atikavumeleki!"






"Lamuhla bo-Ana naLebo baye elugwini  
Iwelwandle. Nebakitsi! Balume, akazange  
akhone kuya nabo elugwini.

"Hhayi Balume, awukwati kuhamba  
natsi!" kusho Ana. "Tinja atikavumeleki!"

"Lamuhla bo-Ana naLebo  
bahambe bayowudlala epaki.  
Nebakitsi! Balume akazange  
akhone kuya nabo epaki.

"Hhayi balume, awukwati  
kungena!" kusho Ana.  
"Tinja atikavumeleki!".





Nebakitsi! Balume uhleti  
ngephasi kwesihlahla egedeni.

“Nhhawu!” kusho Balume.

Ulindze, walindza.

Waze walala. Zwiii!

Ubese ucala kubhudza.





# Ubhudzeni vele Balume?



Balume ubhudze agibele ebhasini.

"Ngitawuhlala esitulweni lesisembili ebhasini," kusho Balume.

Balume ubese ubuka ngelifasitelo lebhasi.

Balume ubhudze aseklasini.

Balume uhleti embili eklasini.

“Sengijake kutsi kufike sikhatsi sekudla kwasemini,” kusho Balume.



Balume ubhudze aselugwini lwelwandle.  
Bekagubha sihlabatsi aphindze antjweze  
etulu kwemagagasi.

Balume bekatijabulisa mbamba.

“Imnandzi imphilo!” washo amemeta.





Balume ubhudze asepaki nencumbi  
yaletinye tinja.

Tinja letinkhulu naletincane, letindze  
naletimfisha.

Balume uzube wagibela kumjikeni.  
wahlabela watsi, "Jikela, Jikela!".



Balume ujikelete wajikeleta  
ngelisondvo-gici.

Wehle wenyuka namsheleletane. Wehla  
wenyuka ngaginci-gonco.

Balume ubese ugubha umgodzi  
esihlabatsini. Balume impela ube  
nesikhatsi lesimnandzi mbamba.

Emva kwaloko ....


BoLebo na-Ana bafike egedeni.

“Vuka Balume! Sesiya ekhaya nyalo,”  
kusho Lebo.

“Hhe? Ngivuke? kusho Balume.

“Nisho kutsi bengibhudza?”

“Woboo! Injalo-nje imphilo yenja!”  
kucabanga Balume.



# Liyasha ligushedede lemathuluzi esikolo



Nasiseklasini namuhla sive sekunuka  
intfutfu.

Balume injia ubese uyanukuta.


Ngabe yini lena lenukako vele?

Thishela utsite asime ndzawonye sente  
luhele ngaphansi kwetihlahla.

Khona manjalo sibone lihhoko lisha.

Setfuke sachachatela.

Thishela ushayele ka-10177.





Kufike emadvodza esicimamlilo  
lasitfupha acima umlilo. Bekatitse gamfu  
ngemabhande lamakhulukati atimbonye  
buso ngetifonyo.

Afike ngemoto yesicimamlilo lebovu hhwe. Basebentise lishubhukati lemanti kucima umlilo. Lasindza kanjalo-ke lihhoko letfu.



Lamuhla make waBob umtjele kutsi utaba nemntfwana wakubo.


“Nangisesibhedlela, gogo utawusala nawe,” kusho make.

“Hhayi make, angilufuni mine luswane,” kukhonona Bob.

“Ngitawudlala njani nje neluswane?”

Watsi, “Mine ngifuna bhuti lomkhulu.”





Emva kwemalangana make waya  
esibhedlela. Babe watjela Bob kutsi  
selukhona luswane.

"Ngumfana noma yintfombatana?"  
kubuta Bob.

"Ngumfana," kuphendvula babe.


Ngaleyoo ntsambama bobabe, Bob  
nagogo baya kuyowubona luswane.

Bekuphitsitela esibhedlela.

Bob wabona bodokotela nabonesi wabona  
ne-ambulensi ifika nendvodza legulako.

“Luphi luswane?” kubuta Bob.





Bob waya ewadini letinswane.

Wabuka tinswane tonkhe.

Wabukisia luswane lolugcoke lijezi  
leBafana.

Wavele watatela nje kutsi ngumnakabo  
lo.

"Maye muhle! Ufana nami ngco," kusho  
Bob.

Bob asabuka luswane wabuta:

Unalo nje ligama?

Yebo, ngu-Andile.

Unawo ematinyo?

Cha usete.

Angayidlala ibhola?





Andile wavula emehlo akhe.

Wabuka Bob.

Wasuka waphakamisa sandla sakhe.

"Buka, ungibingelela njengemjitha!"

Kwasho Bob ngenjabulo.

"Ungahlupheki mnaka. Ngikutsandza unjena nje. Ngitowudlala nawe ibhola nase ukhulakhulile."

Wemukelekile kuloluchunge lwetiNcwadzi letiNkhulu. Loluchunge lweNcwadzi leNkhulu luginceny yeLuhlu lwakaRainbow, lolufaka ekhatsi tincwadzi tekusebentela, limfomfo, tindzaba tetigaba nemaphosita. Setsema kutsi, ekufundziseni kwakho utatitfolo tilusito lolukhulu letinhlobonhlobo tetindzaba letikuletiNcwadzi letiNkhulu letisiphohlongo talesigaba, nebafundzi bakho setsema batakujabulela kufundza ngekwabelana kwabo.

Sitatimende Simiso sekharikhulamu neLuhlolo (CAPS), seSigaba Sisekelo siphakamisa kutsi Kufundza ngekwabelana kunguleny yetintfo letimcoka emaswini ekufundza. Kufundza ngekwabelana imvamisa kuba khona emkhatsini wemalanga lamibili kuya kumane ngeliviki lapho khona umntfwana ngamunye aba nembhalo munye wekufundza. Tincwadzi tekusebentela netindzaba tetigaba tiwlunglele lona mgomo.

Kodvwa-ke, kufundza ngekwabelana usebentisa iNcwadzi leNkhulu lenemagama lamakhulu yindlela lenhle kakhu yekwenta kufundza ngekwabelana ngoba bantfwana bayawabona emagama netitfombe, bakhone nekukulandzela usafundza ngendlela lefana naleyo yekuteka inganekwane ekhaya. Kumcoka-ke kutsi bantfwana bahlale bagege iNcwadzi leNkhulu, khona bonkhe bakhone kubona futsi bafundze umbhalo. Lemibhalo lemikhulu wetiNcwadzi letiNkhulu yenta kukhonakale kufundza uphimisele kuve bantfwana labanyentana ngasikhatsi sinye endzaweni lekhululekile lete umoya wekxesabisa.


TiNcwadzi letiNkhulu kuloluhlu titakwetfula bafundzi bakho eluchungeni lwe tindzaba, tinkondlo, tilandzelo nemidlalo tibuye tibetfulele lwatiso nemibhalo leyimidvwebo.

Kungumsebenti wakho, njengathishela kwenta tindzaba tiphile kubantfwana ubuye wakhe simo lesinenjabulo nenhabunkhabu. Kusebentisa tiNcwadzi letiNkhulu kukusita kutsi ukhone kubonisa inkambiso yekufundza ngendlela leletsa injabulo kuwe kanye nakubafundzi bakho. Setsema-ke kutsi lencwadzi itakusita wente kona loko.

## Lamanye emasu ekusebentisa iNcwadzi leNkhulu

- Sebentisa sicephu sepulastiki lelikhanya ngale njengendvwangu lembonya ngaphasi kweNcwadzi leNkhulu. Litawubuye lisite kutsi bantfwana nathishela bakhone kubhala kulo lelipulastiki.
- Bhala ngepheni lecimekako futsi lengagezeka kulelipulastiki.
- Sebentisa sichano lesikhulukati kufasela lesicephu lesikhanya ngale encwadzini lenkhulu.

ISBN 978-1-4315-2951-3



ISBN 978-1-4315-2951-3

THIS BOOK MAY NOT  
BE SOLD.



basic education

Department:  
Basic Education  
REPUBLIC OF SOUTH AFRICA

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

The Big Books in this series are available in all languages. They were developed by a team of UNISA Language and Education experts as part of their Community Engagement contribution to South Africa's education sector.

Author: V McKay



## Yakha yakakho insika yeNcwadzi leNkhulu

### Utawudzinga:

- Likhadibhodi lelibanti ngekulingana neNcwadzi leNkhulu nayivulekile (594 mm) bese budze iphindzeke ka-3 encwadzini (1360 mm).
- Ithephu lecinile lenkhulu lemhosana
- Timbili tifasa-phepha noma emaphekisi kubamba ikhadibhodi ingaphakami.

Sebentisa lethephu lenkhulu kuhlanganisa tincenye tekhadibhodi.

Goba ikhadibhodi kwenta sibaya sa-A bese uchanela ndzawonye sisekelo nelingembili njengoba kukhonjisiwe kulumdvwebo ngentasi.

